

樓玫瑰文集

卷八

攻媿先生文集卷第五

律詩

四明樓 鑰大防



試俞珣長頭筆

倦游俞老又中州
霜兔抽豪飽盛秋
平日相親管城子
結交今得賈長頭

訪留昭文於范村山間不得見

黃扉處士掩松關
小立松風去任難
可嘆山中真宰相
未容神武掛衣冠

送倪正父侍郎使虜

經帷親見犯天顏
口伐何勞抗可汗
故國應悲周黍

稷遺黎猶識漢衣冠殊鄰謀報終難測累歲要盟恐
易寒馳至金城上方略始知頗牧在金鑾

送王仲言添倅海陵

萬卷詩書老雪溪頽然二子和墳篋絕憐伯氏久亡
矣猶幸夫君及見之來上鷓行人謂脫往舒驥足自
嫌遲他時還向雲門否布機青鞋尚可期

遂初陳迹遽淒涼擊歎青箱極薦揚談笑於儂情易
厚典刑使我意差強重屏舊畫論中主古殿遺文話
阿章舊事從今向誰得尺書時許到淮鄉

寄題延平范氏六桂堂

高門儒效許誰同秀氣子今照演峯家學一椿連五

桂地靈兩劔化雙龍三人衣鉢清名接系世簪纓慶
事重彼茁孫枝更林立不須萬戶羨侯封

京仲遠尚書爲澹然子作二大字

濃墨新題付澹然松坡爲子老談天憑君推我行年
看何人歸耕綿上田

送李伯和吏部提舉浙東伯珍寺丞將漕

夔門

奕奕君家好弟兄皇華交映棣華明幾年並列金闈
彥同日俱持玉節行萬里往臨夔子國一江先到越
王城會聞歸取青氈舊都似當年老貳鄉

送范文叔禮部守彭州

憂國鬢先雪愛君心似丹旌麾雖自適懷抱未全寬
直道任三黜故人憐一寒濛陽毋久駐旋復送鷓鴣
送趙德老端明帥蜀

身名俱泰老尚書叱馭寧辭萬里途兩地恩榮真赫
奕四川父老定歡呼乘崖袍帶今重見清獻琴龜我
更無頻向籌邊樓上望歸來方畧上新圖

次盧國華提刑所寄韻

持節歸來上粉闈祇今一節又何之樂天好句追長
慶元亮高風挹義熙我恨別多仍會少君雖去速豈
來遲閩山荔子燠晴晝莫惜登臨賸賦詩

古梅遺張時可

枝封蒼蘚澹花疎一種風流高更孤試問約齋三百
樹林中還有此枝無

李才翁賀除天官次韻

九年奔走祗思閑歸夢時時墮故山已媿演綸詞禁
上更堪曳履侍臣聞官曹顧我空無補世事惟君子
不關但欲相從游物外不應久此玷清班

我居銓部開簪裾終羨寒窻只蠹魚每念故交今有
幾况如盛德豈容踈京塵共嘆催人老市道誰知有
隱居久苦筆端枯渴甚楚波正欲借君餘

劉德脩右史去國示所和從父東谿及揚
子直詩走筆次韻

無人爲辨樂羊書却向空山問草廬世上榮枯無定
眼在前毀譽竟何如寸心未徹九重上百口仍行萬
里餘只恐君王思舊學便看飛詔促嚴徐

東谿詩似老彌明傾蓋詩絕點塵筆墨爲供論無盡
藏江湖乞得自由身出門速送成惆悵無計相留更
主臣但願皇天開老眼不應空谷滯斯人

閣下相期父山中把酒稀未能容我去又復送君歸
柱史寧終隱威顏咫尺遠壯心誰與語看劍一燈微

謝朓起巖侍郎送盆梅奉老母

翠綃飛蓋擁生香水雪精神試晚妝鶴髮慈親俄一
笑玉人何事晚升堂

送曾南仲寺丞守永嘉

六和久坐趣歸鞭却送旌麾水竹邊無說可禪新令
尹有詩重送老同年城隅綠竹今安否庭下朱藥定
儼然回首東州真夢境羨君此去若登仙

過上虞懷謝驛喜雨

夢田簷溜作驚湍淨洗炎歊百慮寬咫尺東山見膏
澤令人更憶謝家安

荅錫杖平老

老我平生不願餘歸來但欲賦閑居灌園自足供朝
膳且奉夫人御版輿

送漳尉海陵併寄示瀟

二子俱從宦重親足自怡汝能行幼學吾豈恨輕離
平日自知已真心更與誰臨文有遺忘此是憶兒時
處已幸寡過居官勿願餘動成經歲別贖寄幾行書
公退仍多學心清任索居但知行所職通塞聽何如
次潘安叔寄新谿詩韻
曾游明月舊雙谿老去情懷百不宜夢繞新谿身不
到更休重和寄來詩

送內弟汪強仲赴台州稅官

雕鞍去去不容攀柳下門墻輟往還可但征商私龍
斷不妨拄頰看中山右軍墨妙惟修禊太傅才高亦
抱關只尺親庭母苦恋有人能伴適齋閑

少潛兄再立畫錦坊伯中弟有詩次韻

東樓舊日史君家盛說于今說孟嘉畫錦門墻再興
起烏衣巷口倍輝華雖無崔氏聯三戟肯學揚家簇
五花尤喜枝香不斷藏書滿屋是生涯

王原慶訴盤餐蕭然走筆次韻

愁絕詩人太瘦生也無北食與南烹君看俚語亦堪
笑何日能填鼻下橫

莫啻鰓魚如老曹但應菜飯學參寥坡翁晚節更清
苦玉糝新羹手自調

送趙振文主簿

去去江西不作難片帆雙葉蕩秋瀾已知官業非時

樣尤喜情親耐歲寒志大自然羞附驥官卑何用歎
棲寫少卿鄰上加文度更北年時刮眼看

病足戲效樂天體

課得退連茹藥逢新太醫居閑幸餘暇養病任多時
步屨雖非便調琴足自怡晚來風雨急高卧到晨炊

叔韶弟上連桂堂牌會群從

我家簪紱百餘年書種千金幸有傳折桂時能取黃
牒肯堂賴子挹青氈一新扁榜照華屋共集尊壘招
衆賢須信尤生後可畏要當爭著祖生鞭

題林氏香巖庵

緩步尋佳處林深路欲迷偃松披數畝立竹漱三谿

茗憑山檻呼燈照石梯輕輿空翠濕投暝喜幽棲淪

送汪強仲還官所

又向丹丘去安書易往還固應官事了莫放舊書閑
問訊雪巢老寄懷巾子山經行皆夢境自笑日蒼顏

寄題吳紹古縣尉經德堂

問舍玉真下讀書經德中心期知共遠臭味許誰同
吹笛夜涼月舞雩春暮風直須涵泳熟毋負象山翁

送季舅汪江州大定

清直如公天自知晚年百順了無虧九城臺下方還
旆五老峯前又擁麾題坐喜逢陳仲舉據牀好繼度
元規太平散吏無由到倚聽中和樂職詩

舅甥相與自垂髫游官歸來鬢已凋坐上可無車武
子酒酣時賴蓋寬饒喜公自此驅千騎顧我從今守
一瓢間與適齋同悵望草堂樽酒幸清朝

送內弟汪耐翁隨侍因赴臨川推官

之子長才盍要津未知此別幾經春且爲滄浦過庭
子徑作臨川入幕賓生長外家身已老周旋中表意
尤親從今家問須情實莫事虛文學外人

環村踏雪

一冬求雪雨還晴賸喜春朝見玉粟不爲偶同佳客
到誰能深入亂山行雲窻霧閣知何恨玉樹瓊枝到
處明更喚輕舟同穩泛小谿何似剡谿清

筍輿衝雪過溪橋流水方東未晚潮白裏不知梅奪
色青邊尤喜麥成苗煙深帶雨參差下空闊隨風自
在飄可是忍寒詩更切故求野路踏瓊瑤

又次蔣甥仲愚韻

山色空濛雪更奇滿空擊碎吹琉璃寒侵茅屋春無
寐凍合梅花夜不知泛泛輕舟勝路滑洋洋流水樂
人肌興來但覺酒腸闊江海安能實漏卮

送元積弟赴永嘉酒官

宦游五載住中川似與邦人有夙緣昔日江山知好
在舊游人物想依然吾衰無復逢梅福子去惟應夢
阿連或問故侯霜鬢未爲言潘令是齊年

我家清白世相傳工部真清更有年百口未曾營計
活一生惟喜種心田吾方奉母耕綿上手更移封向
酒泉兄弟凋零期自勉只將家訓作青氈

同王原慶知道游天童

舊游曾記夢中身一日重來白髮新行盡杉松三十
里看來樓閣幾由旬狎鷗亭外波瀾濶宿鷺池邊草
木春自笑賦歸如許久始來此地作閑人

東谷

舊說東柯谷茲來到此山樹深煙冉冉花落雨潺潺
有客禮師塔何人叩祖關天連秋水遠此意尚人間

千佛閣

平橫雲棟塞空虛倒影仍臨碧玉壺千佛威光歸寶
所九霄宸藻粲河圖人天共難未曾有燕雀相驚不
敢踰試問南詢童子看化城曾見此樓無

從子滌濯寒納涼

楊柳陰陰映粉牆蜜雲藏雨晚來涼高荷欲出欄干
上笑挹紅英吸淨香

灤謁告歸省復還海陵

吾子遠歸省重闈俱粲然難留毛義檄又送子真僊
西笑仍千里東歸約二年詞場期自力收取舊青氈

題少潛兄得閑

亭下水吞空輕舟處處通閑情誰得似逸興更何窮

詩社率相過醉鄉時一中我家元不遠只在小橋東
平日君多暇如今我亦閑人歸真得地吏隱勝居山
煙波一千頃茅簷三四間天寒倚脩竹空翠濕軟鬟
誰云宦路足峴嶽送子之官獨放心廉介有餘無矯
亢謙恭已甚自崇心安輿何用資三釜慶問時能抵
萬金公退讀書三子侍縣齋松竹已成林

慈溪道中

雙槽真成鵝鶴鳴客愁厭苦夢魂驚須臾寢覺耳根
熟一覺醒來天已明

題惠崇着色四時景物

舊說惠崇真畫師生綃四幅見天機鷺翻桃岸韶光
嫵鴉漾蓮塘暑氣微風勁賓鴻霜始肅寒欺花鴨雪
初飛分明知是丹青卷仍欲沙頭喚渡歸

送具參議

才氣勇無前人推季子賢侯藩聯剖竹制幕晚依蓮
勢利從身外風流到酒邊四明欣會遇兩載得周旋
為記題名石仍吟達觀篇留行何及矣執別但茫然
我已甘投老君方欲引年未知重相日目斷五湖船

即事

十日陰寒雪不成臘殘春近更霜晴深山高卧如春
暖逸鬢飛蚊自在鳴

陳衛道墓

平生學博更加詳和會三家儘較量一覺可憐成廢
蝶多岐終是易亡羊門前脩竹連岩桂道上芙蓉開
海棠何似剗除閑草木青松一色蔭高岡
游大梅山梅僊岩
為憶西京梅子真人言羽化匪沉淪海瀕古墓已無
跡山外高峯寧有神鯁論至今光漢傳清風猶足盪
秋旻何須更說神仙事終老市門良可人

虎冢

辛勤玉押更珠櫺或見叉牙出骨須驚獸一心能護
法故惟千載尚全軀餘威凜凜空埋骨遺像耿耿若

負嶠及見當年梅子熟自應驚倒老妖狐

謝潘端叔惠紅梅有序

潘端叔惠紅梅一本全體皆江梅
也香亦如之但色紅爾來自湖湘
非他種比自此當稱為紅江梅以
別之王文公蘇文忠石曼卿諸公
有紅梅詩意其皆未見此種也感
歎不足為賦二十絕

舊家桃李種河陽今日紅梅自楚湘根塢送春君意
重為移絕艷到吾鄉
黃姑曾為點冰肌亦有緇塵染素衣何似胭脂天賜

與暗香猶在是耶非
爲君手種向南堂誤認昌州移海棠元是玉妃生酒
暈帳中仍帶返魂香
前身施粉忌太白今日施朱恐太紅說似有人剛不
信清香萬斛在花中
殿後鞦韆紅色漫穠絳紅空自笑春風何人擊碎珊瑚
樹惱得姪姬面發紅
舊見寒花蠟蒂紅寧知沁入雪膚中絕憐金谷佳人
墜到地餘香散曉風
梅花幾種盡相聞老矣才欣見此君相與對花文字
飲絕勝歌舞醉紅裙

人間丹桂亦微黃未見紅葩解有香惟喜此花兼衆
美麝臍薰徹絳紗囊

初移湘水一枝香賸馥還欣爲我分夢入山房三十
樹何時醉到看紅雲

歲晚紅英繞凍柯玉人無那醉顏酡廣平賦就如逢
汝鐵石心腸可柰何

少陵年後詠花開未見胭脂一抹腮可惜當時詩興
動止因東閣看官梅

坡翁着意賦三詩謾說穠香已透肌若見此花應絕
倒惜君生晚不逢時

花品無庸定等差國香國色屬吾家海棠正自慙龐

俗莫問漫山桃李花

不學江頭玉樹寒 壽陽紅粉舊粧殘 嬋娟可是慙隨

俗莫作金沙鎖骨看

客來試與倚欄干 拂拂清香觸鼻端 儘做北人渾不

識不應敢作杏花看

全體江梅臘裏芳 紫綿新拂漢宮妝 臨川借得江梅

句傾國天教抵死香

詩老為花空自忙 想應未識此奇芳 青枝綠葉何須

辨桃杏安能如許香

只說梅花似雪飛 朱顏誰信暗香隨 不須添上徐熙

畫付與西湖別賦詩

縞帟練帨玉為肌 誰點微顏向北枝 若使羅虬見顏
色定須將此比紅兒

自昔梅花雪作團 紅梅脫出可人看 江梅不辭追時
好祇守冰姿度歲寒

山行

行入春山紫翠中 入山深處更苑紅 一百五日來秋
冷二十四番花信風 千頃搖青幾蔽地 四山聳翠
欲浮空 野橋橫跨溪如練 待買輕舟下釣筒

金蹄

金蹄垂耳小鞦韆 飾以重鑲馴可呼 誰擊冬青碧陰
下恍然如見擊桐圖

次吳伯華韻

一身遇坎復乘流景物當前亦自由
草淺人行因作徑水來沙聚看成洲
哦詩肯爲鉤棘句適意即是逍
遙游爛醉不知門外事夕陽日日下西頭

從子瀾送梅枝戲作

向來地暖見東嘉帶葉江梅發
歲華不似青春三月暮南枝梅子北枝花

菁江逐客

菁江十里路透遲兩岸平疇接翠微
贏得閑中乘畫舫隨潮西上趁潮歸

午膳聽雨

老年樂事莫如閑午膳醒來夢已闌
枕上欠伸猶懶起更聽簷外雨珊珊

放鶴送潘恭叔司理

冲霄六翮困蓬蒿清唳時時發
九臯鶴立固應能獨出雞羣未免歎
徒勞相從顧我憐冰玉欲去知君刷
羽毛幸脫樊籠隨所適平平飛去不須高

宿育王山涵秋

清秋來此宿涵秋雨後山泉自在流
夜暗寒聲鏘玉佩燈明清影粲珠旒
枕流正自憐孫楚洗耳何須效許由
我亦暫來專一壑倚欄耽玩不知休

長女消歸夫家寄以小詩

胡笳未了遽成歸婦職如何敢失期彈到佳聲重入
塞伯嗒未免念文姬

何處飛來一段雲太湖風急到江成雲中疑有羣仙
過時聽了東環佩聲

送朱季公倅嚴陵
朱家族裔甲龍舒循吏清名史特書止為番夫恩所
部至今廟食盛鄉閭舍人曾賦嚴公瀨季子方題仲

舉興但向棠陰增蔽芾桐鄉今却在桐廬

以十月桃雜松竹真餅中以鏡屏用瀟韻
中有桃源天地寬杳然溪照武陵寒莫言洞府無由

入試向苑花背後看

次周益公韻有序
其比從朱南劔獲拜觀丞相益公
送行末章盡及舅甥姓字既又得
盡見詩刻文潞公同甲會之盛世
所共聞公與王錢三府名丙午坊
尤為奇事今歐葛二賢士以布衣
交五載與齊年之集壽樂未央高
風厚誼古未有也舅氏尚書既已
屬和命某同賦課成五首以謝厚意

天將間氣孕山川名世還當五百年已是有官居鼎

靡不妨平地作神仙書林尚欲校三豕筆力猶能驅
兩肩前日勲名身既退斯文留與後人傳
六一先生葛稚川兩孫俱並相君年詞場鏖戰今成
夢潭府齊盟望若仙致路三公舊同甲洛陽四老信
差肩坊名丙午真奇事寫入詩編盡並傳
頃嘗假守向中川公在黃扉已數年每念夔龍容接
武自期雞犬亦登仙入朝終歎一交臂問道幾思偏
祖肩數仞宮墻天樣遠此心何日遂親傳
別駕歸來自贛川相迎方歎別經年為言相國珠璣
語寄問洞庭山澤仙妙句聳觀親與手滿城爭玩日
駢肩退憐母子方借隱却恐虛名似此傳

舅甥相與老鄞川况值慈親九十年畫舫時追唐賀
監筍與聯訪漢梅仙官名自媿偶同轍才望如何敢
並肩誤辱品題稱酷似此聲梁楚更堪傳

題施武子所藏老融二牛圖

佳哉淡墨掃人牛一笛橫風各自由平日深知馬用
緣如今但欲老西疇
烏犍離立意透遲鞭策俱忘取次歸駮犢跳風仍却
顧老融於此露天機

謝少微兄惠牡丹

乍觀泉石分新種想為黔山憶舊葩病後不妨風韻
在此花之外更無花

方剪欄干第四花玉人聯袂過吾家
捻紅玉翼皆名品醉眼相看到日斜
簫鼓聲中醉九旬落紅萬點正愁人
眼明忽見傾城色更向尊前作好春

戲和漳詩卷

琴奕心偏好丹鉛手自磨
衰翁會同杜吾子揖餘波
歌動玉條脫酒傾金叵羅
好爲文字飲行樂未宜多
山色藍初染湖光鏡始磨
竹梢輕墜雨花片亂隨波
塵尾揮東晉龍舟吊汨羅
莫愁春易老暢飲一春多
澄江如鍊淨新月似鑱磨
老柳飄輕絮良苗颭細波
歌聲追古邇詩價怯新羅
到處還成醉芳醪肯且多

暮年甘散誕壯志久消磨
自媿今摩詰誰憐老伏波
清新慙度信敏慧謝甘羅
惟有詩情在猶能益辨多

過從子澤家

楚楚初篁脫綠苞
城居約略似荒郊
土膏更得春風力
直引蕃薇上竹梢

題陸放翁詩卷

妙畫初驚渴驥奔
新詩熟讀歎微言
四明知我豈相屬
一水思君誰與論
茶竈筆林懷甫里
青鞋布鞵想雲門
何當一棹訪深雲
夜語同傾老瓦盆

送內弟汪莊仲赴浙西倉幕

家食八經秋
茲馬喜宦游
往依王仲賓
先事薛居州

寄信憑鴻羽題詩記虎丘雲飛親舍近時望海東頭
贈龍游術士胡杲
方笑劉郎問大鈞從來禍福本無門世間生老病死
苦時至即行莫足論

夜坐

晚涼徐步出柴扃萬變浮雲在窈冥濃似鉄山擎鉄
月薄於春絮透疎星正收夜久沉天籟尤喜空明鬱
帝青雨氣未平龍欲動電光前後射中庭

再送潘恭叔

我似冥鴻弋猶慕君如放鶴去還歸秋空今日真成
去好伴閑雲自在飛

以六經左氏傳莊子遺伯中弟有詩來謝

次韻

手披欲究百家編奴婢年來識鄭玄顧我幸多千卷
富念君未有一經全詩書心醉不容醒父子筆耕期
有年此但古人糟粕耳更須從此悟真筌
書種傳來直到今讀書幾似孝標淫欲君終就九經
庫與子平分一片心更向漆園窮妙旨何殊清廟奏
遺音中郎書籍付王粲想得知余此意深

中秋無月

涼意秋將半深期月影清昨霄雲點綴今夜雨縱橫
睡久何曾著更闌喜暫晴起來聊曠望終欠十分明

贈丁相士
相形何似且論心眼力工夫見淺深古怪清奇任君
說靈臺一片若為尋

送叔韶弟赴官錢清
蕞爾錢清鎮茲行正為貧九夷猶可處十室豈無人
官守毋卑小城居緩卜鄰老夫平日事所至若終身
淨明方丈

雲深宿雨未收晴短艇還來叩曉扃山溜擁谿侵石
磴天風吹霧暗空庭茵鋪野草滋新綠玉立脩篁洗
舊青老我時時假僧榻夢魂真向醉中醒

新闢門徑或謂太窄

門外頓空曠雙眸豁太虛誰歎列佳樹正爾對吾廬
登歲曾脩業衰年得定居買鄰賢伯仲衣錦舊門閭
未辨三間屋先栽數席蔬歡娛戲菜服晨夕奉潘輿
駟馬客雖狹齋即住有餘牀金知己盡餅粟豈無儲
細草沿階嫩新篁得雨初竊希仁者靜未覺故人疎
晝永翻名畫更長理舊書何妨抱棊醉儘好帶經鉏
羞稱同甘苦兕孫共卷舒眼花多掩卷鬢雪不堪梳
少飲毋求醉徐行可當車此生千萬足祇願老樵漁

小溪道中

簇簇蒼山隱夕暉遙看野鴈著行歸久之不動方知
是一搭碎雲寒不飛

後街環村儘遊鳳山寺下換輕舟舟人弩力雙篙
急引得清溪逆岸流

送從子淵葬

最起霜如雪天寒水欲冰引舟拖急瀨扶杖歷危層
北阮若多事二疎俄喪朋山阿埋白壁悲慟不能勝

早起戲作

睡長被孫兒惱覺來

午睡戲作

早起三朝當一工老來貪睡不相同偶然一次五更
起却用重眠到日中

攻媿先生文集卷第五

攻媿先生文集卷第六

對律詩

四明樓

鑰大防

南山廣莫軒

廣莫乘風隘九州
亂山無數點平疇
一千里外在吾目
三十年來無此游
地下天高俱歷歷
鳶飛魚躍兩悠悠
昌黎費盡南山句
曠望還能似此否

送趙至道節推

君來入幕恰三年
我幸投閑識此賢
婉畫時時因事見
素風凜凜信家傳
易林律本君須寄
月窟天根語未圓
問訊難兄無恙否
相忘千里各瀛壖

湖亭觀競渡

涵虛歌舞擁邦君，兩兩龍舟來往頻。
閨月風光三月景，二分煙水八分人。
錦標贏得千人笑，畫鼓敲殘一半春。
薄暮游船分散去，尚餘簫鼓繞湖濱。

龍潭方丈

又因寒食此中來，窻戶虛名絕點埃。
山裏春風無間斷，海棠開過地棠開。

吊僅老塔

僅老相從五十暮，來瞻遺塔我心悲。
當時舊話無人說，空有門前洗鉢池。

夜携家登南渡橋

幾過長橋下，清宵得意行。
風高江水急，月上海潮生。
空迥寒逾峭，更深境過清。
扁舟難久駐，轉柂問歸程。

題蘿月上人送鴻小樓

雨洗春山空翠新，登樓不見送鴻人。
薜蘿清夜月依舊，無復新詩泣鬼神。

贈于湖劉相士

自笑今年卦氣闌，壯心銷盡鬢毛殘。
明知七十無多子，只問何時可掛冠。

五月望月蝕曆家又言六月朔日蝕

閨夜爭巷呼相傳，救望舒偶因雲暫破。
真似月初孰謂暮，能瞻端知曆不踈。
太陽交蝕近，試看更如何。

題賀監李謫仙二像
有不風流賀季真更誰能識謫仙人
金龜換酒今何在相對畫圖如有神
斗酒澆詩動百篇鑑湖牛渚兩俱仙
早知今日猶相對不向稽山回酒船

病後戲作

河魚腹疾未全除一飯充肌不願餘
縱有珍羞難下筋真成頓頓食黃魚

枕上

不守庚申不坐禪老來觸事總悠然
天明門外無來客儘好簫簫聽雨眠

謝蔣行之送菊

秋老懷情儘自寬眼前只欠菊花團
分來三經雙株秀先得重陽兩日看
玉軟金輕無限態風高露冷不勝寒
幽人相對成清伴正爾落英供夕餐

聽事落成老母置酒喜而成詩

數椽增葺苟全時我愛吾廬喜得歸
兒輩粗能勤父蠱老夫元不費心機
年來每媿踰初望病裏尤知悟昨非
從此蕭然無一事但當日舞老萊衣

十月十七日夜

蟄蟲坯戶六經旬掣電驚雷若莫春
震起昆蟲千百億不知何處更容身

織錦綦盤

錦城巧女費心機，織就一枰如許齊。
彷彿回文仍具體，縱橫方罫若分畦。
爛柯未易供仙奕，畫紙何須倩老妻。
如欲枯綦輕且稱，當求白象與烏犀。

叔韶弟以退堂洪老詩來寄謝

不受人天供，甘心樂隱居。
坐窮千里目，笑擁一樓書。
攻媿老無用，退堂閑有餘。
相望可抗芻，何日訪吾廬。

寄題正卿通判可高亭

樟坡直上可高亭，未見高高祇見名。
想像豈能勝一覽，登高安得快雙明。
大龍湫水聽雷吼，白石岩頭看日生。
咫尺好山隨杖履，自應老筆擅詩聲。

中秋次從子泂韻

雨餘不見日西沉，將謂中秋又作陰。
佳月忽開千里影，騷人滿慰一年心。
掃除宿翳風難動，滓穢太陰雲尚深。
坐待寒光誰會此，阿咸爲我發微吟。

楊花

杜門無緒看芳菲，見說楊花滿路飛。
謝汝不隨人冷暖，因風翻舞到柴扉。

送南趙仲丞漂水

不用匆匆限別離，版輿春晝綵衣隨。
往題斯立藍田壁，更訪清真溧上詩。
公事毋庸拚牙角，鄰封真是和埴篲。
日哦新句頻相寄，明月清風慰所思。

戲題龍眠馬性圖

狗子已知無佛性馬又何曾有往來伯樂若來休着
眼任它騏驎混駑駘

它山

素蛻橫卧作雷吼日射細鱗銀雪光安得此身如白
鷺脩然終日在梅梁
過盡水禽并野鳧風標惟許一春鉏可憐久立梅梁
上不為谿光祇為魚

小酌元衛弟聽雨

小閣臨流暑氣清藕花的的照人明移牀更近欄邊
坐要聽茶聲雜雨聲

清再往剡中念之尤切作詩寬之

剡縣不為遠丞官勿謂卑鼓盆知愛重去國倍行遲
堂上森三老房中秀一兒加餐了官事莫賦悼亡詩

觀雲寄蘭講師

蒼狗俄然又白衣來從何處去何歸無心出岫還歸
去莫向秋風說是非

過故家

團團桂樹擁蒼牙舊日輕黃滿樹花惆悵秋清無一
葉空餘枯枿絕寒瓜

題從子浹娛親

阿戎築屋為娛親野草閑花日日親我奉板輿來舉

酒祈君親壽似夫人

丹桂

碧雲步障紫金鞋風靜秋高千萬枝
嬌額塗黃元自好是誰深傳蜜胭脂

下元日暖甚夜風雨大作早微雪從子湛
去莫向林以醪醕來

眼明喜見早醪醕窗外風號集霰時
梅蕊已慙前臘破芳心休用怨春遲
納涼除夜昨幾似見雪芭蕉今不疑
若使洛人真得此應須更詫百宜枝

送朱叔止守南劍

舍人簪筆舊甘泉家學相傳子姓賢
未羨夾河爲太

守阿連剖竹向封川

攜李曾蜚劇劇聲貳車仍贊虎頭城
朱轡小試承流手要繼桐鄉循吏名

萬竹蟠山喉不乾兩龍潛水氣猶寒
郡齋見說真圖畫公退何妨一倚欄

下水上山腰帶州人家無數起危樓
遨頭不用喧簫鼓祇把清詩紀勝游

同盟東下或西征老我惟知管送迎
祇恐政成登省戶未容歸騎向西城

名畫法書知幾編俸餘寧復計求田
麻沙贖買新文字歸滿米家書畫船

送杓孫隨侍上虞

阿斗生來十五年未曾一日去翁前聞詩勿廢家庭
問習吏仍求城旦篇婚官有涯真是幸巾箱所蓄要
相傳榮壘雖小性非魯口授詩書加愛憐

戲作

二子為丞分越邑女兒隨壻過江南莫言屋裏成岑
寂匹似當初只在庵

諸瑩拜掃晚歸長汀

雨意早垂寒雲晚更低空中時散點道上不成泥綠
柳挑相映黃花麥與齊迂回餘百里喜見舊松隄垂

送朱季公守封川

韶陽生長十餘年城郭重經固宛然嘆息紫微仙去

父尚餘遺墨照山川

先舍人居韶十四年
季公生於壬戌

桐鄉漢有大司農封守今推陳秀公君向邦人著遺

愛近追相業遠家風

陳秀公曾守
封川有惠愛

鄉譜文說鴈行賢剖竹封川與劔川不用對林風雨

約政成同取舊青纜

吾鄉棊社霞凋零賴有朱家好弟兄舉酒看看故人

少陽闕莫唱斷腸聲

妙舞清歌有二姝後堂曾見繡羅襦嶺南太守風流

勝不用歸舟載綠珠

以玉蘭贈王習父

一種香蘭玉色新仙家分得藥宮春調高韻勝誰能
稱付與能言解語人

華屋暈飛慶事絲芝蘭玉查喜庭前似聞楚曉茅初
茁便看藍田生曉煙

香琳茶林送趙清臣宰姚江

玉立君家好弟兄藍田風采照花城版輿壽母人間
盛千里何曾去送迎

鄞江水與舜江通久矣威名滿一同試問何時到封

部數聲柔櫓一帆風

長江東去跨虹橋千丈橫隄捍海潮更向燭谿圖永

利坐令百里沸歌謠

才刃恢恢妙撥煩鄰封撫字尚何難更能觸事加長
慮自有其棠向後看
婦家故步懶重尋藏拙年來恐不深短棹有時乘興
去徑登竹所聽鳴琴

楊花

雨壓輕寒春較遲春深不見柳綿飛忽然飛入閒庭
院疑是故人何處歸

柳綿無數糝枝頭日暖隨風撲盡樓萬丈可觀惟有

雪喜看晴盡滿空游

為我輕攀綠柳枝帶花低護笑携歸日長深院微風

動要看鬆綿當面飛

野芳庭草是生涯老去祇宜閑在家幾日惜春留不
住小鬟爲我拾楊花
送王伯奮守筠陽

三槐名德萃清門七葉爲州賴有君道院無忘山谷
賦郡齋當繼穎濱文君應膝上憐文度我向東林憶
右軍振起家聲差易耳便看奏最躡青雲

別王恭叔

兩兒雖近隔江湖賴有王郎慰寂寥遠侍雙親官道
院爲同盡室錢西橋腦脂遮眼最閑念客路尋仙勿
憚遙別後飛緘問安否數來谷口訪山樵

別長女清

老我年來百念輕文姬助我以琴鳴等閑相對成三
弄游戲俱彈似一聲舉酒不堪千里別登途知用幾
程行郡齋自是神仙窟會有階庭玉樹生

趙資政園梅篆

小徑回環里許長寒梅森列間踈篁路如古繭縈繆
篆身似輕煙繚印香九折坂中經蜀險八盤嶺上趨
朝忙歸來游戲通函處笑看危途九太行

示從子

東院敲碁西院琴固知猶勝別勞心少年不比老癡
叔且向書窓惜寸陰

贈畫梅呂生

西湖豪士賦踈彰未似希真好樂章豈是無情耳澹
泊受他風月幾淒涼

東湖嬌美滿自剡川寄水晶蒲萄
馬乳從他堆滿盤未如清嚼水晶寒固知一縣蒲萄
熟不用勞人數問安

送汪荏仲赴江東倉幕彊仲荆門簽判
不見適齋老于今三四秋弟兄登官路親黨駐行舟
老病無詩思棄懷重別愁外家門戶盛勉力紹箕裘
外民蒙恩厚文昌獨我知居暫酷似舅喜有寧馨兒
遇事行方便提身謹護持公餘定多暇黃卷有餘師
蚤歲過秋浦貪程不入關君今參儉幕時得止齊山

膚使資闕決賢侯伴宴閑好音頻寄我賴此一開顏
之子游何許平州更玉州山川稱勝絕幕府信風流
翠嶽寒逾秀金蓮夜不收天涯念鄉國少上仲宣樓
見說荆門地如門蔽楚荆舊時爲內郡今日號邊城
但守平平策毋求赫赫名勉哉闕決際從此振家聲
送元積弟赴淮東總屬

南徐來往飽經過總餉賓寮入禮羅子去幸陪邨港
輩君今還是伯林余聞通籍那時方可鐵甕名城景
最多我有爭名遺記在試從萬井訪維摩
十人兄弟五人存心事方欣得細論可但寒遲憐遠
別祇因喜懼有慈尊倚門何止期吾子發策還知望

好孫從此三年風雨夜寂寥基局與清樽

十八人陳君舉既亡汪文子攜其所作春秋後傳
及送行詩來次韻

名盛望尤備枝披實亦繁無由究賢業猶幸立斯言
書在經逾顯人亡道更尊九京如可作與子共南轅

送趙伯藏添倅永嘉

當代棊間老吏師佳兒官業具而微已煩潘令宰花
縣正要王祥康海沂得助江山詩與逸平分風月羽
觴揮安車何日迎清獻又向堂前戲綵衣
分教分符恰五季異鄉幾若故鄉然歸來幾作池塘
夢送別欲隨騶御倦目斷耳林應飽熟手栽藥實想

芳鮮邦人若問老州牧為說清霜繞鬢邊

書寢

彈徹悲風更廣陵滄浪一為濯塵纓邯鄲枕上夢初
覺喜聽簷間秋雨聲

喚僊閣

上到危層莫喚僊祇凭橫檻挹江天江天如許來借
眼何用征僑更屋仵
多少尋僊更不還渺茫竟墮有無間使其真有毋庸
喚僊自曾城我自山

犯暑來登覽松風為灑然龍泉澄古井虹影卧中川
萬簇寒林秀四山秋色鮮詩翁不可見況敢喚飛僊

送趙晦之丞彭澤

淮甸歸來涉學深孤雲又出亦何心公餘岩下讀書
去遠維風流石橋林

淵明事晉有臣劉仁傑忠良不附周見說三賢參洞

士尉斯盍將吳薄配蘋羞南唐吳舉為彭澤生薄有高節見大一集

陶令居官八十日始為督郵方賦歸君家門戶要興

起未用飄然詠式微

阿虞試醉戲作

阿虞匍匐醉盤中事事都拏要學翁最是傳家清白
處不將雙手向頑銅

贈別盧甥中之歸吳門

千里何妨命駕來晤言未厭已西馳子休重賦瓊瑰
贈我亦懶歌親戚離好向清江論樂府更從葉子說
新詩樂間引紙五十尺為篆離騷維李斯

又謝中之示詩卷

不見賢甥十一年新詩示我百餘篇古風已喜能行
意近體尤欣細屬聯宅相真成珠在側冷官休歎坐
無羶作詩勿謂今餘事更下工夫維玉川

送秦仲防通判

清德曾瞻啓慶碑孫曾清更畏人知祗緣一介弗輕
取坐使斯民不忍欺瀨水家傳御書卦宣城手寫送
行詩典刑尚維金臺舊馬氏一門誰白眉

題輿再到海東淮嗜學深於入幕時一字未通終不
置五行俱下尚嫌遲情親端有卜鄰意別後空勞望
月思老我無因可重見祝君來此擁旌麾

謝剡中沈元龍惠詩

東陽何事到東州百語曾無一語酬深羨松筠無改
葉自言蒲柳已先秋千金既覺成虛擲雙璧還驚又
暗投別後未知何日見但將吾道付滄洲

謝舒景叔寫見贈

誰寫衰容人畫圖本來面目舊形模幾年老瘦鬢如
雪不道今吾非故吾

庭前一蓮著花

門外荷蓮滛露華綠雲平地擁秋霞病夫不能出門
去且看庭前第一花

入消月下鼓琴用漳韻

老穉團圞鯉在庭文姬爲鼓玉琴聲起來同作悲風
曲倍覺先秋月影清

國仲觀遷居尹奧訪別

晚年來定一枝巢到康蓋頭無把茅又欲浮家過尹
隩何殊樂道向華郊君今去此難招隱老更從誰可
定交見說衡門臨野水秋深容我去推敲

仲觀有詩來謝次韻

危機屢見劔頭炊喜及桂冠神武時從此含藏三寸

舌笑來挿得幾張匙讀書窻下病勤舊玫瑰庵中老
住持速辦小舟頻徃及及今精力未全衰

謝王粹中惠白鶴仙麟川觀班竹杖并竹輿
麟川僊館翠琅玕荷子攜來白鶴山未效葛坡龍種
化絕勝湘浦淡痕班裁為桂杖一尋許巧作輕輿四
尺慳兒子門生俱努力病夫欲過虎谿還

曾無送郎中名燕居曰和三續社有詩次

韻欲和會三家以續雙林

通地通天祇箇中千岐雖別大都同兩家偶爾流傳
盛一貫臨之內外融欲境掃開心在我浮雲散盡月
當空感而通者從未語不感須知自有通

老來

老來何以度光陰祇有圍碁與鼓琴碁為心勞跡對
局琴因臂弱倦調音曲肱特復同尼父面壁何妨學
少林氣習未除祇自笑又還弄筆動微吟

長生草

玻璃擢葉玉蟠根千里提攜寄海濱雨澤不霑仍自
潤出膏無著自長春歲寒秀色鎮依舊日暖素英能
一新我欲餌之求火視恐君靈已不靈人

黃汝濟教授惠建茶并惠山泉

幾年不泛西船每憶林間訪惠泉雅好誰如廣文
老親攜直到病夫前細傾瓊液清如舊更淪雲芽未

始全或問此爲真品否其中自有石如拳
史子仁碧法林間結惠泉
相家小有四明山更葺桃源渺莽間四面樓臺相映
發一川煙水自弯環
中川象石勢崖我城上遙岑聳翠螺蒼說夕陽無限
好此中最得夕陽多
題趙晞遠二畫
藻翻數尾已如生妙絕魚兒作隊行不是深知濠上
趣未應筆底得縱橫
魚扇
窻前驚見一枝花照眼
英
十數花千載簡齋僊去
後何人更著好詩誇
墨梅

送陳表道倅岳陽

垂上青雲去如何乘貳車輕爲千里別時幾寄行書
剽劇才無滯傳家學有餘當塗足知己應不費吹嘘
聞說巴陵好樓高占城湖光千頃白山色一螺明赤
壁沈沙戟蒼煙老樹精好詩收拾取寄我尉離情
元珍弟酌別賦此贈之

歸來十暑又三霜衰病那知謁帝傍採菊初期老陶
令種桃應是笑劉郎不辭白首登鰲禁正欲青衫及
鴈行今夕團欒同醉後未知何日駕歸航

靈芝寺

送客靈芝寺凭欄山有無自從朝北闕始得見西湖

煙外移輕漿波間浴野鳧清寒不見駐回首又神都

問立醫視脈曰老人之脈如小春有感

老去光陰似小春如何比得少年人君看桃李秋風後縱有花開不是真

貢闈對硯盤發歎

老去未忘黃與朱琢成三硯樂間居豈能更作諸生業但欲頻看後世書視草北門才已盡持衡南省計尤踈便須再桂衣冠去約汝同歸故草廬

次韻李孟達使君與林雪巢子秀武詩

古梅巨石瞰清池觴詠曾陪老啓期別我遂成千古恨傳家空有一編詩使君尚爾悲陳迹處士惜非同

此時若使南樓與清賞胡床應奉庾元規

王堂早起

早起多奔走旬休亦往還偶因二士試始得一朝閒靈鵲花枝上金魚荇帶間素餐終有媿只得舊家山

贈徐松

我爲浮名媿引年老餘八十尚飄然不如合却談天口歸向白雲深處眠

經筵講詩徹章進詩

聖主承丕祚于今歲幾遷昭回光飾物剛健位乘乾善治新更化當陽獨攬權誅鉏及共繇擢任列闕顛曩日方謀始宸心最急先未遑親政理首務闡經筵

恭儉甘卑室尊嚴拱細旃晝居勤已甚坐待禮無前
講徹詩三百時逢運半千諸儒深誦說六義極摩研
俯閱毛公傳旁參鄭氏箋慨尋中古意重是素王編
舊本三千首終存十二篇雖遭煨燼危所賴詠歌全
開迹因農事安民在井田成功時邁酌興業大明繇
東國思平賦南山樂得賢艱難由后稷來勞羨周宣
起自紹熙載迨茲嘉定年關雎從肇彼殷武遂終焉
寵數傳中旨恩光被邇聯 神文期繼踵元祐信齊
肩內廐頒雲騎雕安絢錦韉茗分龍焙品香拂御爐
煙衆俊咸宣力孤生亦備員少時曾學依老去未忘
筌納祿誠休矣歸耕久晏然鋒車俄促召梓里謂登

僊詞禁容揮翰天官命典銓豈知侵草境重得侍井
泉朽質何能報孱軀殆欲捐尚思求譎諫海嶽效塵
涓

題天竺珪老復菴

路從天竺更微南杳子邀余過復菴八法照人瞻睿
藻一峯當戶擁晴嵐竒文初動玩羲畫萬物竝觀師
老聃六用不成均此理楞嚴容我爲同參

爲倪正父尚書題杜懷堂扁以詩來謝次韻

久矣君宜任弼諧果隨召驛上天階幾年不作相逢
夢一日俄傾積別懷情厚夫君幾鮑叔愚如老我類
高柴它時戶冊高懸後直欲扁舟訪水涯

攻媿先生文集卷第六

[Faint bleed-through text from the reverse side of the page, including characters like 送, 趙, 德, 老, 觀, 文, 東, 歸]

攻媿先生文集卷第七

律詩

四明樓 鑰大防

送趙德老觀文東歸

趣還宗老侍經筵宿望訂謨信歸然引疾屢煩頒漢制賦歸先已買吳船去年趨召叨同傳今日求閑媿看鞭未得相逢出關去羨公徒御若登僊往還不過酒三行成敗同觀棊一枰東海敢言成二老西湖自足度餘生竭來便覺廢茲事歸去定須尋舊盟錦里錦坊秋色裏夢魂先已到江城

送倪正父尚書守南徐

君如春柳我如松
悅歲重逢意愈通
日日公餘搜理窟
時時史暇樂談叢
友朋罕有心相照
兄弟惟應姓不同
此別未知何日見
揆祛無語對西風
滿腔忠膜與嘉謨
空洞它無一物餘
有語莫非憂國志
欲行猶上薦賢書
已欣勇退成清節
更喜高眠即故廬
廊廟須公經濟手
不應歛惠向南徐
幾回去國向吳興
出處雖高事不平
茲以優恩臨不固
北妨禁直寓西清
羨君決去行何速
媿我未歸計未成
澗水東西又千里
壯懷堂上未忘情

戲題十四絃

十四朱絃欲動時
泛商流羽看瑤姬
絃疏不隔如花

面聲急還同墮馬兒
谿蠻霜餘縈蜜網
簷蛛雨後理輕絲
曲終勸客杯無筭
一吐空咲醉不知

樞蜜新府

平生苦欲住山間
每恨家居不傍山
游倦忽來參宥蜜
公餘却得對孱顏
援琴萬壑自同響
緩步一丘猶可攀
信美終非吾久處
乞身惟待老鄉關

門號簽書府心存
攻媿齋倚欄臨
曲沼杖看懸崖
槁葉鳴輕雨
殘山擁半階
退公成吏隱
足以暢幽懷

大雪趙振文寄詩言乘月泛舟清甚次韻

老我心知筆力衰
頌欣臘雪瑞清時
三茅竒觀亦難遇
白玉峯頭燈萬枝

萬玉真妃搵佩珞梁園投簡屬相如莫嫌一水限吳
越兩岸交輝合大虛
雪光絕勝水銀銀未覺僊家隔一塵真境宜君著佳
句賞心樂事更良辰
見說中宵泛絲舟何人同賞大江流陽水伯雪應爲
伴更約禪人白道猷

舊聞老具擅詩聲夜泛錢塘向鳳城今日清游更豪
逸雪花和月帶潮生

法具字圓復紹興初詩僧也有月夜游錢塘江詩云小舟爲我載月色白沙翠竹光相射自從李白下金陵四百年無此豪逸

酒邊戲作

未年六十已言歸七十重來自覺癡未報君恩歸未

許樽前羞聽摸魚兒

葉處士畫貂蟬喜神見惠

重煩妙手費丹鉛免出衰容信宛然君看頭顱已如
許豈堪頭上著貂蟬

頃游龍井得一聯王伯齊同兒輩游因足成之

路入風篁上翠微老龍蟠井四山圍水真綠淨不可
唾一作水從何來不知處魚若空行無所依勝處雖多終莫及舊游
誰在事皆非祇今匏繫何由到徒羨聯鑣帶月歸

海潮圖

錢塘佳月照青霄壯觀仍看半夜潮每恨形容無健

筆誰知收拾在生緇蕩擿直恐三山沒咫尺真成萬
里遙金闕岩窈天尺五海王自合日來朝

題施武子所藏醉白堂記有序

醉白堂記相臺舊刻已不多見施武子
得太清樓所藏真蹟一代奇寶也魏王
尚友香山坡翁詞翰兩絕畫錦故居昔
嘗以假吏過其門巷恨不一到其處太
清圖書流傳至此撫卷無非可歎者至
今日歎又不足為之慟哭可也

堂名醉白尚存否詞翰輝光射兩眸天下曾除蘇氏
學禁中却有太清樓舊碑於世已難見真蹟惟君乃

得收感歎不堪衰淚落林慮山下水空流

魏王以相州城
中無水於林慮

山引水入城貫弟中
溢為灌澗之利

謝雷季仲樞密惠杜餅

寵分餅卷荷深情割肉烹鮮不厭精潭府始知嚴社
祭衰門又得詫侯鯖洗杯用薦逡巡酒下箸如餐谷
董羹回首粉榆未能去欲隨秋燕問歸程

婁彥發參政壽詩八月二十日有序

某伏承生申之旦正得秋而萬寶成員
是一季好處中秋佳月浙江大潮皆每
歲所有芙蓉菊佳俱不復重陳今則實
朱岩壑所誇一百有歲之特況值合宮

大禮儲君受册前星誕育昴宿凝祥去
只五日間賓僚惟公爲舊學都省後堂
祝壽之儀久不講此公首當之今又以
慶朝按試鼓吹嚴更警場輒成唐律發
樽前一粲

青宮冊寶盛朝章玉佩珠旒照日光儲案久資三善
得生朝相去半旬強五千餘卷學尤富一百省年身
更康都省先曾同舉酒貢園最喜又傳觴易逢皓齒
令歌曲難值嚴更聽警場慶事鼎來真可卜祝公黃
髮相虞唐

題孫谷橋墻間圖

墻間不足又之他猶自施、驕室家齊國一人如許
爾寧知後日事如麻
因知義利本殊途莫笑墻間乞祭徒正使往來多顯
者此中尤要著工夫

肆赦小雨

特章達之樞密在麗正樓上禮畢戲謂余曰君雖長未克雨立歸途成小詩

端門宣赦樂歡然膏澤還應降九天始覺耳邊鳴撼
撼漸看笏上溜涓涓我班金闕鷄竿側君侍玉皇香
案前雨立固知同陞楯一言猶幸賴優旃

題桃源王少卿占山亭

納納乾坤一草亭西山盡見若秋屏霜餘遠水呈天
碧雨過遙空現帝青遠容真成陶令隱高懷長似屈

原醒肯堂固賴賢孫子精爽尚猶疑有靈

題汪季路侍郎所藏吳道子天龍八部

妙絕天龍八部圖細看真不失錙銖聲名自足高千古題品尤難遇二蘇旌旆冕旒猶可想鬼神人物亦何殊君看坐位蘭亭草費盡工夫學得無二蘇謂子瞻也

謝頴樂閑篆離騷

樂閒下筆素推高攻媿耽書老更饜顧我好看秦小篆煩君爲作楚離騷晚年應悟成蠲隘痛飲猶堪寫鬱陶喜劇但知藏十襲瓊瑤無以報投桃

題徐聖可知縣所藏楊補之二畫

誰種踈梅古岸頭推篷瞥見梧清函君看竹外一枝

好真有江南萬斛愁

梅花屢見筆如神松竹寧知更逼真百卉千華皆面交歲寒祇見此三人

嵩嶽圖有序

先祖太師齊國公元符中知河南府登封縣建炎兵燬先集故物煨燼無遺兒時猶及見楊州伯父藏嵩山圖丹青僅存雖傳錄世四峯詩以生晚既不逮事不知有石刻也張致遠爲京西漕屬寄

登封舊碑得之驚喜唐爲謝

先世前蹤不可追君從何處得全碑上橫嵩岳三千

丈下列齊公廿四詩室號揖僊懷舊事蒼名面壁認
遺基青氈真是我家物欲以瓊瑤厚報之

寫照葉處士求贈

幾年依樣畫葫蘆自作葫蘆學佛徒一筆從今勾斷
了一瓶一鉢任江湖

歲當庚午旦庚寅最喜明朝遇上辛五福來臨吳越
分更欣三日即放春

題郭恕先雪霽江行圖

妙絕丹青郭恕先幻成雪霽大江舡
泐流更飽輕帆舉上水仍勞百丈牽
揆施長年渾欲動褰帷桂客若
將僊侍親曾泛滄浪月猶記蘭成射策年

十八歲時待先
太師行大江

寄題江西劉氏勤有齋

樸斷敷蓄皆用勤况吾儒者務多聞萬書挿架非闕
我一卷入心方屬君為學從來無止法立身寧祗富
多文自憐習氣今猶在尚欲焚膏到夜分

書葛氏詩卷詩有致仕心閑適十首

未年六十蚤休官海角投閑儘自安一紀特容奉香
火七旬遂許掛衣冠重來夜深媿妨賢路此去終期
保歲寒三上封章歸未得葛家詩卷却羞看

殿上聞杜鵑

衰晚三年侍玉墀高梧又擢鳳凰枝封章屢上未容
去更向殿頭聞子規

王伯齊染髭

垂髫相見舜江濱
荏苒俄驚過五旬
顧我顏齡真似
葉訝君長鬣亦如銀
萬金安得神僊藥
一笑重來舊
日春縱使星星還
復出不妨時作少年人

乞出過傳法聞伯齊歸姚江

扶病還朝一秃翁
重來寧免笑何公
夢魂長是尋雲
化歸路何時向
杓東深願聳身
隨畫鷁空勞舉目送
飛鴻主人竹所終
須到最憶東軒一枕風

行香聞杜鵑

牆西綠柳杜鵑聲
老我何堪側耳聽
我自賦歸歸
不得不須苦語更叮嚀

送蔣甥若水使屬北行

曾爲假吏到燕山
送子長征不作難
故國能無歎
黍中原應欲覩
衣冠黑甜軟飽宜
加愛紅皺黃團正
可觀行矣勿爲兒
女恋指期良月待
君還

夜讀王承家縣丞詩編

向來深夜快揮犀
不聽清談又許時
淨洗昏眸急呼
燭爲君讀盡一編詩

鍊句工深興味長
固知家學富青箱
莫言一臈能嘗
鼎更欲爲余傾錦囊

寒食

輔政無功日歎然
佳時放資屢傳宣
已蒙授粲仍分

茗既荷貽年更擊鮮酒號流香盛寶榼燭然新火散
青煙孫兒不識君恩重但覓東宮則劇錢

夫人携家泛湖

三分春色二分休始見魚軒泛綵舟諸子侍行歡盡
日一翁獨坐淡於秋滿斟美酒應同醉是處名園為
少留陰靄在前雷雨後特晴此日稱君游

即事

壯志推顏貌亦衰豈知官舍傍巖隈此身不是京塵
裏飯了公山看臘梅

劉侍即事

不到茲山二十年豈知重見舊山川煙深雖不見湖

水且看長空萬里天

飛泉何事仰空流無數明珠散不收注輦昔時曾撒
殿至今拋擲未曾休

發漕薦喜而成詩併勉杓

戊辰貢舉忝余知曾礙孫兒到省闈欣汝今秋重預
薦喜吾即日可言歸門闈有慶人爭賀父子同登世
所希癡望十人俱上第坐令畫錦倍光輝

十月旦尚煖用夾公服二月初吉雪寒甚

服單

尚煖先添夾方寒却用單不惟春料峭况值雪飛翻
但欲朝儀肅難已分安衣囊如欲懶歸去老江干

從子淮過省寄伯中弟

我家伯父德餘輝
吾弟風標具體微
七葉欣聞五爭奮
四人先喜一雄飛
忍貧老尚甘筆食
教子今方擢省闈
他日雙椿臨六桂
麻衣俱換綠衣歸

贈僧文可往黃州建東寺

一坡久矣郡城東
居士來游地望崇
問舍求由煩作計
拈槌堅拂看談空
共分龐老沈江寶
要奉儋州秃鬢翁
去作開山第一代
燈燈相續到無窮

三月七日

上賜牡丹并薔薇露勸酒

幾見牡丹東海涯
暮年敢謂到京華
休論千品洛中譜
驚看百枝天上花
况有八珍來禁苑
更加雙榼賜

流霞闔門飽暖聊同醉
稽首將何報宅家

史清翁談詩走筆次韻

公退門庭靜
輕風輓絮迷
故人驚一見
小酌散千憂
西上不容久
東歸又別愁
何當附舟尾
從此遂歸休

以興安石院底寄頽樂閑

興安樂石響於桐
作阮猶堪繼仲容
茂苑樂閒真好事
爲君添起晉玲瓏

觀冷泉亭放水

冷泉淺濁使人愁
開板黃波去不休
岸側細泉穿亂石
始知別是一清流

贈蜀二史有序

紹熙四季蜀士李德秀甫登科求致其
事以榮親 先帝詔從其請某時在西
掖預草詞 命今皇帝策士蜀又有二
人焉同姓史氏其一綿州司戶天應與
其子冀同登遂以身之官求封贈父母
其一成都府司戶公亮自陳素志脫得
一亦爲此舉 上益嘉之各特循從事
卽致仕 聖朝孝治之盛十九年間見
此三人坤維士風於是尤振輒成唐律
表贊喜之私仍寄後谿劉德脩
老我推冠慙復彈羨君登第遽休官幸哉有子事尤

美專以爲親人更難舊說三賢皆持操今看二士倍
榮觀同歸猶及襄陽老一舸清風廿四灘

題汪李路尚書所藏米元暉蔣山出雲

龍盤徃昔名鍾山雲起從龍意自閑膚寸須臾成戴
帽坐看膏雨滿人間

九月十一日杓孫得男

郡齋孤失記垂門今日衰翁更覺尊生晚不能瞻大
父年高却幸見曾孫從今鏡鑷知無用但喜芝蘭近
愈繁願汝孳守家法爲傳衣孳鉢到仍昆

送叔韶弟宰華亭

試邑雲間事最多直將心力細礪磨固知三泐五葺

勝其柰千瘡百孔何敏手未須施霹靂疫民正欲聽
絃歌規撫穩作三年計徐上青雲鬢未皓

又示從子澶

壯縣人歌第一奇過庭為有寧馨兒親旁色養宜加
謹戶外分豪勿預知寓意杯觴須自節讀書松竹有
餘師它時刮目相期待連桂家風望一夔

寄叔韶弟

阿連試邑有成規誰為雲間不可為能使鑊湯偏袞
處直如官附太平時容容非容後多福赫赫何如去見
思子路當年曾請益更須無倦以終之

朝退

謝事不得去趨朝愈更難誰憐八旬老日冒五更寒
指怯持凍笏腰酸強踞鞍細思誰縛汝只合挂衣冠

劉德脩赴遂寧示和篇改除荆南復寄之

老矣思歸缺屢彈七旬望八合抱官我將東去計安
出君亦西還事亦難好向渚宮尋故蹟更從雒楚縱
遐觀上游正倚公為重莫向蓬谿更上灘

李起宗舍人悠然亭

遠游蜀道歷難艱徑上甘泉豹尾間荷橐忽思辭北
省拂衣自喜見南山當時旁舍基猶在回首垂髫鬢
已班先友碑陰盡陳迹空依舊濕煙鬟

伯中弟可休堂

夫婦老相對閨門貧甚安六兒俱力學一子幸仙官
香火祠初奉勲名鏡屢看更當聯五桂納祿尚和難

海棠

海棠昨日始萌芽一夜驚雷發萬葩老眼恍然何所
得凌雲菴外見桃花

海棠初發爲題詩倏見輕紅萬點吹已惜落英鋪滿
地更憐幾片罩蛛絲

後圃

春雨才晴氣已和暖風吹動百花窠絕憐玉屑如吾
髮綠者全稀白者多

贈熊道人

十載隱潭衡居然肺腑清枯禪參懶瓚老氣激彌明
筆底煙雲妙人間勢利輕疑門俄告別江海一浮萍
題注李路尚書所藏米元暉湖山瑞雲圖
筆力誰能似虎兒思陵親爲御珍題小臣不識湖山
好但欲扁舟泛剡谿

揚州瓊花

回憶靈根六十年秋深恨不見芳蘚茲從淮上來千
里非比人間聚八仙曾有畫圖稱小異諒應后土愛
孤妍或言天杖誠虛語榮悴中分亦偶然

題林宗魯校書所藏宣和御畫

周公多藝孔多能徽廟才高更倍增除却萬機都

不會至今遺老話 昭陵

贈別章茂獻尚書

我輩重來鬢已皤 正元朝士苦無多 才堪柱石猶歸去 柰此推顏一老何

戲咏戎葵簇成芍藥

回首向來婪尾春 橫風吹盡已成塵 戎葵簇就誰嘗巧 紅藥當^前太逼真 觀消贈人迷 治子翻階得句誤 詞臣園丁妙手有 如許猶勝隋園剪綵人

戲題膽瓶蕉

垂膽新甕出 汝窵滿中幾 莢浸雲苗瓶 非貯水無由 罄葉解流根 自不凋露綴 疑儲陶令粟 風搖欲響許

由瓢相攜同到綠 天下別是閩山一種蕉

午暑

炎官火傘罩中區 病老低垂氣不蘇 難學孫兒頻飲冷 時將霜水先霜鬚

省宿

樹滿茅山綠正肥 昏鴉日日向南歸 如今身在三茅外 却看歸鷗正北飛

水蕉

獵獵水芭蕉 如將隱招清風來 處遠祥暑坐中消 送楊梅叔提舉浙西并寄陳表道

兩兩郎星映使星 老人星彩對晶明 寨帷共喜行畿

甸洗印仍欣就帝城五馬况當恩始拜三吳從此政
尤清便看瑞慶求稱壽同聽嵩呼萬歲聲

八月四日晚霹靂碎大柳木

秋分雷自合收聲白露明朝忽震霆怪得坐中驚欲
倒鄰墻老柳碎中庭

靈光

魯邦宮殿久蕪荒惟有靈光最久長身似靈光終變
滅歸然別有一靈光

謝陸伯業通判示准西小藁

四海詩名老放翁遺編俱在迹成空忽從淮右傳詩
卷近比劔南真父風暫向壺頭追馬援何當甫里訪

龜蒙江山為助多佳句莫惜南來寄斷鴻

蕉菴清坐

薄晚歸來煙已蒼蠻蕉一葉障斜陽不須久住潭潭
府始覺山林興味長

蕉菴暮歸

綠蕉陰下透斑衣飯了從容到夕曙老子才攜筇杖
去孫兒各捧竹圍歸

病告

閉戶垂簾儘自如兀然日擁紅爐得歸足可優游老
此地何堪養病軀

殿上侍立寒甚

小靈以來霜氣清今朝寒色倍嚴凝榻前侍立無遮障吹得半身真是冰

藍落戲作

零落殘牙齒年來落欲空得魚惟食凍捨肉只餐葱
林憶紅綾餒難吞粟棘蓬何須如劍樹始解振宗風

重陽澤生日時年四十九矣

女生四十九年春猶記雙親喜得孫當慕知非過能
寡敢言學易道彌尊喜吾父子為知已賴爾詩書遂
滿門但得團欒長似此年年莫菊醉清樽

范叔剛舍人示文正公象笏

千載威名文正公忽瞻遺笏照雙瞳敢從象篋窺清

裁屢批龍鱗奮大忠秉立定知端者植至今猶想氣
如虹舍人接武登廊廟宜寶甘棠振祖風

送黃真護道人任茅山贈以小黑玉虎

少從黑虎谷中行晚得於菟王琢成轍以贈君俱隱
處大茅峯頂看風生

贈凌一源道人

知君曾住武當山更解尋幽瀟皖間老矣無緣窮勝
處但思歸去卧鄉關

攻媿先生文集卷第七

[Faint bleed-through text from the reverse side of the page]

攻媿先生文集卷第八

四明樓 鑰大防

表牋禮部名表

請舉樂

皇帝第一表

春秋重改元法蓋先於五始君子不為樂古無越於

三年請為王言冀同民樂中謝恭惟皇帝陛下系隆

列聖娛侍三宮綿宇屬心既極謳歌之戴重華

盡孝適承過密之餘顧列祖之報厚莫重焉然文

孫之制期已久矣况復高廟即安於神御壽皇

俯和於祥琴下逮鄙人悉除樂禁新玉春而建號進

寶冊以歸尊願飭攸思各揚乃職鑄八音而應律肅
萬舞以充庭仰奉重親益見慈顏之喜下孚衆聽
普臻和氣之祥

擬第二表

睿主承休光啓太平之運王正肇始盡新治世之音
爰伸百辟之誠未動九重之聽游陳奏牘進冒宸旒
中謝恭惟皇帝陛下仰紹心傳率循家法念德
壽詒謀之重體重華盡孝之勤既居崇高富貴之
尊未聞文采節奏之美聲音不足於耳豈爲是哉禮
樂不可去身有爲貴者雖聖帝尚深於餘慕而禮
充務於適中莫先鳳曆之頒亟上龍樓之奏豈止君

臣相悅第成祉角之詩將與天地同和益致形聲之
應

至尊壽皇聖帝第一表

高蹈萬乘聿重協帝之華躬行三年曲盡慕親之孝
矧將陳於冊寶盍備舉於樂章爰率具寮仰干淵聽
中謝恭惟至尊壽皇聖帝陛下怡神於淡游物之

初惟付託之得人宜燕頤而養性方且羹墻在念疏
素以居既已光舜既禹之傳乃親爲曾閔之行期可已
矣必欲加隆祥而廓然尚云寧戚顧平時不可世俗
之樂豈今日忍聞堂上之歌然而和琴俯就於成聲
鑽燧再經於改火不應慈極尚邊調諧音伏望酌先

王禮之中念 聖子承顏之養居處笑語寢寬追遠
之思鐘鼓篔絃益致導和之美

第二表

三年執禮已經徒月之期五日受朝當備鈞天之奏
援彝章而有請闕俞旨而未頌事恐久稽義須再瀆
中謝竊以帝舜既命大禹猶欲六律五聲之聞漢皇
上壽未央亦以萬歲大笑爲樂蓋已膺天下之養盍
具舉朝廷之儀若稽舊章允屬盛際恭惟 至尊壽
皇聖帝陛下道高物表德邁古先既全與子之明允
盡因心之孝謂太宗就簡遽爲三十六日之期而晉
武欲爲莫起數百餘年之陋出於獨斷高掩前聞羣

臣仰體聖心於荐歲忍形於奏牘迨茲即吉乃敢發
端旣已過音於三載之餘正當成歌於十日之後况
卜元正之吉將新徽號之隆儻非廣奏於和聲何以
崇成於緝典恭聞南內將騰聽樂之章欽想東朝亦
望承顏之樂仰祈睿旨俯徇輿情

擬第三表

荐貢封章祈舉九成之奏未承誥命敢稽三請之勤
中謝恭惟 至尊壽皇聖帝陛下高視帝尊共爲子
道自畢因山之奉已合外除靡從越紉之權竟全終
制遠復先王之法肯循後世之常迨其今焉何以尚
此至矣盡矣願聞大舜之韶皦如繹如雷語太師之

樂雖欲勿用其將何辭濟濟衆賢傾聽笙鏞之間欣
欣百姓喜聆管籥之音

擬 壽聖皇太后牋

三載過音已全於中制兩朝就養當備於和聲中謝
恭惟 壽聖皇太后殿下德竝娥華行齊任姒佐中
興之業協濟難艱贊內禪之明共安間燕比驚茲辰
忽返帝鄉乃安長樂之居密受重華之養神孫御曆
寶冊陳儀豈應迎年而不爲樂琴瑟之友鍾鼓之樂
諒未忘儷極之恩羽籥之器綴兆之文願俯徇輿情
之請

賀正旦

皇帝表

歲必履端蓋重四時之首年初建彌有光二帝之傳
矧慶事鼎來效羣臣之善頌中賀恭惟皇帝陛下乾
剛行健离照繼明之吉始和春祺旣集四海之內咸
仰王化方行當周家布政之時迺漢曆改元之日喜
瞻萬乘上寶冊於三宮肅領千官奉王卮於前殿偕
備瑤瑤瓊璜之飾創聞鍾鼓管籥之音益知嗣德之
在初孰謂太平之無象開八荒之壽域登庶俗於春
臺臣獲與周行敢逢穀旦方千里者九想同望於堯
雲呼萬歲者三敢競伸於虎拜

至尊壽皇聖帝表

歲之朝日之朝方肇新於鳳曆尊之至養之至爰啓
慶於龍樓歡動宮闈澤均海宇中賀恭惟至尊壽皇
聖帝陛下位居慈極人冒群生一道心傳六通四辟
於帝王之德三登化治上際下蟠於天地之間乃釋
萬幾之繁坐受九重之養惟時上日尤異常年聖
子改元著遵制揚功之意所朝奉用見歸美報上之
誠八音克諧四方來賀豈特履端之可慶誠爲曠古
之未聞臣等洛謹鳧趨伏深齎抃願方訪道於空同
之上正當儲神於蠖濩之中何止八千春以大椿而
爲久敢祝三萬歲願毋慈而亦然

賀三宮受冊

皇帝表

乘翠鳳之車講盛儀於元日鏤白玉之牒上徹稱於
重親慶事旣成綿區交賀中賀恭惟皇帝陛下與
天同大如日方中克寬克仁允協成湯之德惟精惟
一密承慶舜之傳爰奉三宮之歡以垂萬世之則
討論故實備極嵩高視慈福之鴻名皆有願聖人
壽之祝侈重華之顯號尤彰爲天子父之尊當遲
日之載陽喜積陰之頌解雨師風伯旣已肅清乾端
坤倪爲之呈露雲移天仗首趨漢殿之朝星拱玉皇
親下堯階之拜歡聲相和叶氣橫流惟天人順應之
甚明知社稷靈長之可卜臣等幸緣際會獲奉周旋

快覩聖時允屬紹熙之始願隆孝治一如正觀之初
壽聖皇太后牋

消嗣歲之端辰上丕天之大號神孫具禮親來羣
蹕之朝聖子承顏同受雕珉之用中賀恭惟壽
聖皇太后殿下行齊任妣德邁娥華蚤輔中興之功
載禪內禪之策由長秋而登長樂安榮已見於無加
自紹興而至紹熙戰轂益知其未艾惟壽爲五福之
首而聖乃羣倫之先頃年嘗奉於母儀今日尤嚴於
祖后禮容甚盛鼓舞舞惟均臣等獻歲云初趨班惟
謹得少廣之道本無迹之可名居東朝之尊祈後天
而難老

壽成皇后牋

萬乘來朝當夏時之上日三宮受用列文母之丕
稱履載兩間歡呼四起中賀恭惟壽成皇后殿下
謙恭素稟柔懿內充奉慈極之天顏曲盡問安之禮
佐壽皇之內治克全燕翼之謀禮既備於尊崇之
心益安於冲澹共都顯號爰歸父母之尊仰嗣徽音
尤侈婦姑之盛俱以壽康而嚮用何勞警戒以相成
臣等欣際休期獲觀緝典詠思齊之什維周匹休安
長樂之居與宋無極

皇后牋

羽蓋翟車陪六飛之法駕瑤編寶刻上三殿之隆

名旣備盛儀式昭內助中賀恭惟 皇后殿下處心
深淵靜迪德懿恭五日受朝常謹問安之奉九重視
膳每言佐餼之勤迨茲穀旦之禮成想見長秋之喜
倍尚須挾日嗣舉稷容堯舜相傳禹方循於一道姜
姪在上妣宜績於徽音臣肅領廷紳與觀國典展宮
中之寶諒無異於外朝奏堂下之音爰助於和氣

賀 皇后受冊

皇帝表

九重渙號實遵慈宸之謨萬乘臨軒爰授中宮之無
肆稽故實備著禮容竊以地本法天乃著頌成之德
月惟邈日遂參夕照之明况居大寶之尊盍正內朝

之助天作之合王假有家中賀恭惟 皇帝陛下道
貫三才愛形四海親承付託之重允資輔佐之賢若
時元妃作配龍潛之際儷裁宸極有開熊夢之占誕
布玉音進登椒掖贊侍膳問安之孝盡求賢審官之
思臣等恪領廷紳與聞國典乾坤定矣式符羲畫之
文鍾鼓樂之願繼周南之詠

至尊壽皇聖帝表

神器有傳俾正椒房之號緝儀告備肆放寶冊之嚴
化浹綿區慶歸宸中賀恭惟 至尊壽皇聖帝陛下
德參履載道極範圍堯治民以治民有光前烈天與
子則與子啓佑後人乃當命禹之初首眷嬪虞之舊

用修陰教以正人倫鳳蹕來朝副以翟車之盛龍樓
問寢加之禘服之華臣依附末光相成鉅典仰遵睿
訓等見正家正國之規鞏固皇圖知卜世卜年之久

壽聖皇太后

神孫御極蚤正於長秋天仗充庭用揚於顯用事關
宗社歡動宮闈中賀恭惟 壽聖皇太后殿下氣毓
冲和性資淵靜化行南國正萬世之彝倫尊處東朝
受 兩宮之孝養屬涓穀旦首上隆名既先 慈福
之儀旋講穆清之禮含飴示愛見寶曆之親傳佐餼
得人想慈顏之有喜臣等駿奔在列罄抃惟均家法
相承咸仰德音之嗣母儀有則益觀王化之基

壽成皇后殿

坤柔而剛既參內禫之策婦聽而婉俾正中闈之儀
中賀恭惟 壽成皇后殿下迺日為明與天同大贊
至尊之孝治一紀于茲安長樂之宴居萬年有永謹
二南之正始備四德以相承懿典告成慈闈胥悅侈
家國非常之慶寶社稷無疆之體臣等獲際明昌不
勝鼓舞交琴瑟而樂鍾鼓莫先儷極之賢本夫婦而
始后妃茲實齊家之要

皇后殿

榆翟禘衣久正內廷之禮金寶玉用式全昭伐之儀
慶衍宗祊歡同宮掖中賀恭惟 皇后殿下肅雝成

禮柔靜資生蚤開墜燕之祥允協維熊之夢躬儉節
用致君子之家肥順色承顏化天下以婦道爰自御
圖之始允資櫬極之賢稟命 慈皇歲儀毅且是謂
人倫之至益彰女則之嚴臣等目覩彌文欣逢盛際
闕惟麟趾既已先正始之基周姜太任當無媿思齊
之聖

謝賜春衣表

春日載陽肆頒於命服上恩難報仰謝於皇局列辟
同辭門門受賜中謝恭惟 皇帝陛下業塏潤色道
廣幘幪大舜之垂衣裳茂以加此神禹之美黼冕吾
無間然迺俯念於廷臣仍舉行於時令爰賁以帛俾

華其躬視爵秩而有差被寵榮而如一臣等敢不退
揣其分思稱所蒙慕召南在位之風期厲羔羊之節
效齊國老人之語請天下之衣

賀 會慶節表

紹興三年以左史攝西掖侍班扈
從有旨百官請重華宮拜表
時禮部郎已在北宮侯迎駕左
相留公請就殿廬中作今附于此

虹渚發祥爰紀生商之旦龍棲啓慶敢伸戴舜之誠
中賀恭惟 至尊壽皇聖帝陛下游物之初怡神於
淡六通四闢於帝王之德聿成盛治之勲上際下蟠
於天地之間罔匪泰和之氣徧寰區而蒙福與太極
以同功禮奉玉卮遠循漢殿之制書陳金鑑何待唐
臣之言臣等肅領鵷行恭舒虎拜祝南山之萬壽睿

筭無疆效嵩嶽之三呼歡聲旁洽

川河以勳奉此禮也

六天賦之簡何

五之也

中帶

地香

百

三

八

攻媿先生文集卷第八

